



UPA 2026/121
3/6-2026
Hans Erik Enoksen

Uummannami Upernavimmilu eqqakkanik ikuallaavimmik pilersitsisoqarsinnaanera pillugu apeqquteqaat aallaavigalugu oqallinnissamik siunnersuut.

(Inatsisartunut ilaasortaq Aqqalu C. Jerimiassen, Atassut)
(Siullermeerneqarnera)

Inatsisartunut ilaasortaq Aqqalu C. Jerimiassen qujanaq oqallisissiaq una saqqummiukkakku.

Eqqakkanik suliaqarneq apeqqut anikittumik taasassaangilaq. Tassami pineqarmata peqqissuseq, avatangiiseq, ataqqinassuseq aammalu, ulluinnarni pitsaasumik nuna tamakkerlugu ingerlanissarput.

Demokraatit pakatsinerit, Avannaaniit saqqummiunneqartut paasisinnaalluarpaat. Eqqagassat qaleriaaginnartillugit, timmissanik siammarterneqartut, pinngortitamut pisarput imaluunniit innuttaasunut ulluinnarni ajornartorsiutinngortarlutik, ilungersunartutut isigineqartariaqartut. Pitsaasuunngilaq, inuit misigippassuk, illoqarfitik nunaqarfitillu, aaqqiissutinik tulluannigitsunik, qimatsivigineqarpata.

Tassungalu ilutigalugu suliaq una arlalitsigut isigisariaqarparput. Naalakkersuisut tikkuarpaat, ikuallaaviit mikisut ingerlannissaat ajornakusoorsinnaasut avatangiisinut- aammalu peqqissutsimut pitsaasumik ingerlanneqassagunik. Tamanna tusarnaassavarput. Ajornartorsiutinik nutaanik pilersitsissangilagut ajoqutaasinnaasunik aniatitsinitsigut imaluunniit akisuunik aaqqiissuteqarnitsigut, naggataatigut innuttaasunut annerusumik akiligassiisutaasinnaasunik eqquisussanik.

Allanguutaassangilarli, maannakkut inissisimaneq piffinni arlaqartuni pitsaasuunnginneranut. Ataatsimoorussamik eqqakkanik suliaqarneq nunatta ilaani pitsaasuusinnaavoq, misissortariaqarparpulli, atorluarsinnaanersoq Avannaani immikkuullarissuusuni isorartussutsikkut, sikusartumiinneri aammalu angallassinermi pissutsit ilungersunartut misissornerisigut.

Demokraatinut pingaarneruvoq, avatangiisinut, aningaasatigut attanneqarsinnaanerata aammalu inunnt, kalluarneqartunut illersorneqarsinnaanersoq. Tamanna ammasumik oqallinnermik pisariaqarpoq, qanimut kommuninut isummersoqatigiinnermik aammalu piffinni misilittakkanut ataqqinninnermik.

Taamaattumik periarfissat tamaasa ammaffigalugit oqallinnermi peqataassaagut. Piffinni aaqqiissutissat siumut itigarteriissangilagut, aammali neriorsuutigeriissanagit aaqqiissutissat, isumannaatsumik ingerlanneqarsinnaangippata. Pingaarnerpaaq unaavoq, Uummannami, Upernavimmi nunaqarfittaanilu innuttaasunut eqqagassanik suliaqarnermut pitsannngorsaataasinnaasunik nassaarsinnaanissarput.



Demokraatit pissuserissaaartumik kinguneqarluartussamillu oqallinnissaq qilanaaraat, unamminartoq taanna, inunnik, avatangiisitsinnik aammalu piffinni innuttaasunik attuisup qanoq pitsaanerpaamik aaqqinneqarsinnaanersoq.